

Chjama à a mubilisazione contr' à u G7

U G7 Cosa hè ?

U G7 raccoglie e 7 putenze economiche e più maiò di l'Uccidente (Etats Unis, Japon, Allemagne, France, Royaume-Uni, Italie, Canada). Mette in piazza una ierarchia trà i paesi, mettendu in risaltu quelli putenti, ideologicamente bè è righjettendu l'altri. Dapoi u principiu, u G7 hè rimessu in causa per via di a so illeghjittimità. Sustenendu à u libaru-scambiu, e decadenze è l'austerità bilanciarìa, i paesi di u G7 anu cuntribuitu à chì l'inegualità suciale sia sempre in crescita è à un livellu ch'ùn hè mai statu vistu dapoi quasi cent'anni.

U G7 simbulizeghja a duminazione di e principale putenze occidentale chì sò quì per fà passà i cumprumessi i più favurevuli à l'interessi di u capitalisimu. Ghjè cusì chì si decidenu e pulitiche economiche è finanziarie chì seranu imposte à i populi di u mondu.

U prossimu appuntamentu avarà dinò una specificità: s'hà da fà à u Paese Bascu nant'à una terra induve a resistenza in leia cù u sfruttamentu capitalistu è l'oppressione imperialista sò arradicati, è induve c'hè una sulidarità è una vulintà di custruiscè un'altru mondu.

U mondu di u G7

L'obbiettivu di u G7 hè statu dapoi un pezzu di tuppà u capitalisimu impunendu u chjaviti neo-liberale. U scopu hè oghje di salvà u sistema di e cunseguenze di e pulitiche aduprate da per elli dapoi più di quarant'anni. Cosa micca simplice per via di a variabilità internaziunale, e parechje crise aggavugliate, a putenza di l'interessi capitalisti è e misure aduprate ch'ùn s'occupanu mai di i prublemi da e radiche. Iss'appuntamenti chì costanu assai (500 milioni di dollars in u 2018) ùn sò cà operazione di cummunicazione.

U statu di mondu simbulizatu da u G7 hè oghje murtiferu. I so aspetti sfavurevuli sò chjari è indiscutevule :

- Sregulatezza climatica,
- Avvelenamentu di l'ambiente è riduzione di a biodiversità,
- Crescita di l'inegualità trà i paesi è e classe suciale à l'entre d'elli stessi,
- Guerre imperialiste, cunflitti accatizzati è puvertà per millaie di persone,
- Migrazione furzate è chjusura di i paesi ricchi,
- Crescita di l'auturitarisimu, di u fundamentalisimu religiosu è di l'idee razziste,
- Spussessu di i citadini, di i populi è di i territorii da l'onniputenza di e transnaziunale.

Una bella parte di l'umanità hè spruvvisti di i diritti elementarii tenuti ind'è a dichjarazione universale di i diritti umani. I populi sò sempre nigati o oppressi è u so dirittu à l'autodeterminazione, sempre ricusata, ancu à l'entre di l'Auropa. À u centru di i paesi di u G7, e pulitiche d'austerità portanu l'avviliscimentu di e cundizione di vita è di travagliu.

Simu in una situazione di crisa sistematica multidimensiunale : suciale, pulitica, ambientale, geopolitica... ghjuchendu cù e cundizione di vita nant'à a terra.

Chì saranu e tematiche messe in risaltu in u 2019 ?

Ogni annu, per via d'una difficoltà di risponde à e critiche nant'à l'illeghjittimità, u G7 mette in risaltu i temi d'attualità è invita l'attori di a sucetà civile à dibatte. A realtà ghjè chì u G7 ùn hà mai tenutu i so ingaggiamenti. E so dichjarazione finale sò intenzione bone mai seguitate da misure concrete o custringhjente: aiutu à u sviluppu (in Scossa in u 2005), paradisi fiscali (in Irlanda in u 2013) o diritti di i rifugiati (Italia in u 2017) è esempi n'avemu d'altri.

A riunione di u G7 per u territoriu toccu

A riunione di u G7 nant' à u territoriu toccu invoglie un' impurtante limitazione di a libertà pubbliche di circolazione o di manifestà. Impone un veru statu di sedie è un' occupazione pulzieru angusciosa (si parla di a prisenza di 15.000 militarii è pulizzeri).

Perchè deveriamu accettà tuttu què senza reagisce ?

Più nimu ùn crede à l' utilità di u G7 è più nimu ùn ne vole. Ghjè una spesa di soldi pubblici per nulla è a suluzione a più linda saria a so dissoluzione pura è semplice.

Da u Paese Bascu, custruisce un mondu novu

Ci mubilizemu à l' occasione di u G7 d' aostu di u 2019 in u Paese Bascu postu chì u mondu ch' ellu occupa avà deve veramente cambià à partesi d' avà. Custruisce un mondu novu hè pussibile è si deve fà ; è dapoì u Paese Bascu, ci tocca dinù à fà qualcosa. Ancu quì e mubilisazione è i prughjetti per cambià di mudellu sò multiplicati: per riduce i cambiamenti climatichi, à prò di a libertà di viaghjà, per a difesa di l' interessi di i travagliadori, contr' à e duminazione di u generu, per a diversità culturale è linguistica, contr' à a guerra è à prò di a pace.

Ghjè cusì chì, à tempu chè no ricusemu u G7, vulemu rinfurzà e nostre lotte per un cambiamentu suciale.

Ci mubilizeremu per difense è custruisce d' altri mudelli, apre d' altre vie per un mondu induve ghjustizia suciale, solidarietà è egualità sò realtà concrete. Un mondu digià in opera per via di e lotte dapartuttu in u mondu per :

- A spaccatura cù a logica capitalista appughjata nant' à u sfruttamentu,
- A fine di u patriarcatu è di a divisione sessuata di u travagliu,
- L' azione accanita contr' à a sguagliatura climatichi è à prò di i modi di vita rispettendu è priservendu l' ecosistemi,
- Un mondu appughjatu nant' à a solidarietà trà i populi, l' anti-imperialisimu è l' internazionalisimu, e rilazione internazionale demilitarizate,
- U putere di decide di modu democraticu à tutta l' urganisazione di a vita in cummunu è u dirittu à l' autodeterminazione per tutti i populi,
- A difesa di a diversità culturale è linguistica,
- A vera egualità di e pupolazione sottumesse à u razzisimu, i listessi diritti per tutti l' abitanti di a pianeta.

Invitemu tutte e persone à prò d' issa chjama à aghjunghjesi à a mubilisazione. Chjamemu tutte e persone di quì o di culà chì spartenu a listessa upinione cà noi à mubilizà si per chè no siamu u più pussibile durante u G7 d' aostu 2019 in Biarritz.

G7 EZ !
Manifesazione Paese Bascu
Innò à u G7 è per un altru mondu